

周
官
心
解

周官心解卷第五

諸暨楊莊蔣載康闡訂

受業姚宇煌校刊

天官冢宰第一之五

○九嬪掌婦學之灋以教九御婦德婦言婦容婦功各帥

其屬而以時御敘于王所

帥所聿反。此九嬪卽春官世婦宮卿十二之九其三則

三夫人闕則以世婦攝故春官直云世婦註婦德貞順婦言辭令婦容婉婉婦功絲枲自九嬪以下九九御於

王所九嬪既習於四事是以教女御也各帥其屬者使亦九九相與從王燕寢御猶進也凡御見之灋與者宜

先尊者宜後女御八十一人當九夕世婦二十七人當三夕九嬪九人當一夕三夫人當一夕后當一夕十五

日而徧望後反之孔子云日者天之明月者地之理婦從夫放月紀

凡祭祀贊玉盥贊后薦徹豆籩

盥音杏。註玉盥玉敦按王祭宗廟瑚璉篚簋亦當

玉飾贊者后薦徹玉盥九嬪皆贊也疏豆籩之薦徹皆助后

若有賓客則從后

註當贊后事按后有事於賓客者諸侯來朝王灌后亞灌王饗王獻后亞獻后

從王九嬪從后

大喪帥斂哭者亦如之

註亦從后后哭哭次斂者乃哭

○世婦掌祭祀賓客喪紀之事帥女宮而濯摝爲盥盛

古摝

愛反。此世婦帥春官卜大夫亦攝宮卿者摝拭也疏少牢養人概鼎俎康人概甌甌司宮概豆籩大夫無婦官刑女故使男

○及祭之曰涖陳女宮之具凡內羞之

子官此天子禮

物。註內羞房中之羞羞豆籩也。愚按春官世婦宮卿掌女宮之宿戒及祭祀比其具此世婦涖女宮陳具而

春官宮卿又察檢以比之者

掌弔臨于卿大夫之喪。卿大夫之喪卿大夫母妻之喪也。疏不言三公與孤文不具。

○女御掌御敘于王之燕寢。此女御即春官中士

以歲時獻功事。註絲枲成功之事

凡祭祀贊世婦。註助其帥涖女宮

大喪掌沐浴。註王及后之喪按女御御敘燕寢故王喪為王沐浴也春官肆師大喪大涖以鬯則築煮

鬱人大喪之涖共其肆器鬯人大喪之大涖設斗共鬯則沐浴非用潘用湯矣

后之喪持鬯。鬯所甲反。漢禮鬯方扇以木為匡廣二尺兩角高二尺四寸柄長五尺以布覆之天子

八嬖后同女御持而從柩車左右各四人

從世婦而弔于卿大夫之喪

註從之數蓋如使者之介疏王之妃妾夫人象公嬪象孤

卿世婦象大夫女御象元士介數依命數爲姜王之大夫四命世婦之從亦四人

○女祝掌王后之內祭祀凡內禱祠之事

註內祭祀六宮中龜門戶按內

祭祀恒禮也禱祠因事爲之禱除禍祠報祠皆主內祭祀之神

掌以時招梗禱禳之事以除疾殃

梗古猛反禱古外反禳如羊反。疏招招取善

祥梗禦捍惡之未至除災害曰禱禳禳也推卻見在之變異按此亦隨時爲之

○女史掌王后之禮職

王光遠曰王后之禮各有所職若祭祀薦徹賓禮獻酬其職女史掌

之

掌內治之貳。以詔后治內政。

註內治之灋本在內宰書而貳之按治逆皆后事女史特

詔之

耳。逆內宮。

逆內宮者六宮事須后治后當以禮灋治之女史預告后也。

書內令。

內令

后令也。

凡后之事以禮從。

疏大史以書協禮事執書詔王女史亦執禮書從后。

○典婦功。掌婦式之灋。以授嬪婦及內人女功之事。齋。

音齋

春。婦式之灋婦人工事之式灋也。嬪婦九嬪世婦內宰教九御使各有屬以作二事則九嬪亦有功事世婦更可知內人女御女功之事齋若絲枲及用費。

凡授嬪婦功。及秋獻功。辨其苦良。比其小大而賈之物。書。

而揭之。

苦音古賈音嫁揭其謁反下並同。舉嬪婦不言內人嬪婦教帥也。鄭司農云苦讀爲鹽某曰

苦絲曰良然苦良中、人功又有良善絢鹽皆當辨之、比
方也、小大、長短廣狹、賈估其直、揭見職幣上言授嬪婦
功、此承之、授功者、至秋獻功、則分別縑帛布紵
與其絢細、比方大小、各書其賈、以著於物也、
以其王
及后之用、頒之于內府、

○典絲掌絲入而辨其物、以其賈、揭之、

絲入、九職嬪婦所
貢、及所市者、蓋此

職有賈四人、則絲入不特嬪婦之貢矣、后所蠶絲、
用為王祭服、不入典絲、物、絲有善惡、麤細不同、

掌其藏、與其出、以待興工之時、頒絲于外、內工、皆以物授

之、

外工、工官所掌、若染人、內工、則嬪婦九御及所領女
宮皆是、外工染練、內工織紵、宜染凍者、仍頒外、又以

物授之、外工染人、染絲、授以素絲、染帛、授以素
帛、內工織紵、織縑、帛、授以素絲、文繡、授以綵絲、凡上之

賜予、亦如之、

此是幣帛之賜、亦辨其
物、縑帛、文繡、皆別之、

及獻功。則受良功而藏之。辨其物而書其數。以待有司之

政令。上之賜予。良功帛之已成者。政令頒衣服之。政令鄭司農云。良功。絲功。緣帛。

凡祭祀。共黼畫組就之物。黼畫。帛畫。黼文者。組就。以組爲就。註。白與黑謂之黼。采色一成。

就曰

喪紀。共其絲纁組文之物。纁音曠。絲給線纁。纁充衣緇。疏。組。士喪禮。握手用元纁。衰著

組繫內則履著綦皆用組之事。青與赤謂之文。

凡飾邦器者。受文織絲組焉。此三項皆先受而藏之者。○歲終。則各以

其物會之。註。種別爲計。鄭司農云。各以所飾之物總會之。

○典臬。掌布總纁紵之麻草之物。以待時頒功而授齋。漢

羽反紵音佇。總布十五升抽其半者合麻成線織之為縷白而細疏曰紵皆成布也。麻、枲、苴、葛、黃、之屬為絺。絺者授賡授給麻草使為布總縷紵及絺絺。

及獻功受苦功以其賈楊而藏之以待時頒。

苦功麻布及葛布

○

頒衣服授之賜予亦如之。

註授之授受頒者帛言待有司之政令布言頒衣服互文

按賜予賜布及絺絺

歲終則各以其物會之。

○內司服掌王后之六服。禕衣掄狄闕狄鞠衣展衣緣衣

素沙。

禕音暉掄音遙鞠居六反展張彥反緣或作緣同吐亂反沙與紗同。註狄當為翟翟雉名伊維而

南素質五色皆備成章曰翟江淮而南青質五色皆備成章曰搖三翟皆刻繒為雉形禕衣畫翟者掄翟畫搖

者關翬刻而不畫三者皆祭服從王祭先王服禕衣祭
先公服揄翟宮中羣小祀服關翬按禕衣元揄狄青關
狄赤註鞠衣黃桑服也色如鞠塵象桑葉始生月令三
月薦鞠衣於先帝告桑事展衣見賓服色白字當為禮
緣衣御於王之服色黑按后六服以相生為次元生青
青生赤赤生黃黃生白白又生緣衣之黑取地道廣生
繁嗣續也又註婦人尚專一連衣裳不異色素沙者今
白縛也白縛為裏使張顯按沙與紗同男服單婦服褶
陰陽之異也

辨外內命婦之服鞠衣展衣緣衣素沙

內命婦三夫人九嬪二十七世婦八

十一女御也三夫人自揄狄以下九嬪攝三夫人自關
狄以下下六人自鞠衣以下世婦攝九嬪亦然惟世婦
居下大夫列者則展衣女御皆緣衣蓋王公孤不必備
惟其人夫人同三公九嬪中三人同孤其不必備同也
故服不畫一如此此在春官世婦宮卿十二序官一條
可考也然皆從后差降如后禕衣享先王三夫人以下

皆得伸其本服。若享先公，后揄狄，則夫人闕狄。九嬪鞠衣，惟世婦女御。二服不降耳。使后闕狄以祭，則夫人降鞠。九嬪降展，世婦亦緣衣矣。以等差易禁，故須辨之。若外命婦，二王後夫人，上公夫人，二伯夫人，準后，準衣三。公夫人，侯伯夫人，準揄。孤卿之婦，子男夫人，準闕。王之中大夫妻，鞠衣。王之下大夫妻，展衣。王之上中士已受服者，妻皆緣衣。下士妻，緣衣不受於王。外侯國公之孤之妻，與卿之妻，皆鞠衣。下大夫之妻，當展。命士之妻，當緣。然周家服制，不紊毫釐。鞠展緣三衣，不能意擬。若三狄之尊卑殊別，則懸揣之而可以了然。蓋上公以下，各分命數。后之狄衣，皆當十二狄。而上公之夫人，其裋當九。三公侯伯之夫人，揄當七。王之孤卿及子男之夫人，闕狄則五。此一定之理也。此差一禁服等大淆，固須辨也。又三夫人之揄狄八章，其闕狄亦然。九嬪之闕狄當六章。

凡祭祀賓客，共后之衣服。及九嬪世婦，凡命婦，共其衣服。

共喪衰亦如之。

衰七雷反。祭祀共后服三狄也。賓客則共展衣說俱見前。此九嬪世婦亦兼

三夫人女御其服亦見前。凡命婦即內宗外宗內宗王室諸婦之有爵者祭祀薦加豆籩徹外宗王室諸女之已嫁有爵者佐后薦玉豆籩徹至大享賓亦然。二宗從后祭祀賓客服亦同。外命婦說亦見前。共喪衰統大小喪說王喪后以下至女御皆斬衰后喪三夫人以下皆齊衰犬子后以下至女御亦齊衰若內外二宗於王王后世子皆齊衰然各在五服之內雖同期齊其當胸四寸必各因本服制之所謂以服之精麤為序也。若外命婦於王齊后犬子皆無服內司服不必共服也。

后之喪共其衣服凡內具之物

註內具紛悅線續蟄衰之屬疏后喪所共衣服襲時

十二稱小斂十九稱大斂百二十稱

○縫人掌王宮之縫線之事以役女御以縫王及后之衣

服。線私見反。註女御縫王及后之衣服則爲役宮中餘縫事則專爲之。鄭司農云線縷也。

喪縫棺飾焉。

註孝子既敢見棺猶見親之身既載飾而行遂以葬若存時居帷幕加文繡喪大記飾棺

君龍帷三池振容黼荒火三列黻三列素錦褚加帷荒

纁紉六齊五采五貝黼嬰二黻嬰二畫嬰二皆載圭魚

躍拂池君纁戴六纁披六此諸侯禮也禮器天子八嬰

諸侯六大夫四漢禮器制度飾棺天子龍火黼黻皆五

列又有龍嬰三

其戴皆加璧

○衣嬰柳之材。

衣於既反。註必先纁衣其材乃以張飾柳之

言聚諸飾之所聚疏鄭喪大記註引漢禮器方扇以木爲匡廣三尺兩角高二尺四寸柄長五尺以布覆之柳

帷荒

也

掌凡內之縫事

○染人掌染絲帛凡染春暴練夏纁玄秋染夏冬獻功暴

步

卜反夏戶雅反後除春夏之字皆同。染絲而後為帛
即禹貢之織文玉藻士不衣織即此染絲而織者註暴
練練其素而暴之按亦兼練絲練帛二者即攷工記慌
氏所掌也法詳記文註元纁天地之色以為祭服按凡
與元纁為類皆當於夏染之經文簡而該舉大者以見
例耳又註染夏者染五色禹貢羽彫夏狄其類有六曰
鞞曰搖曰鬻曰留曰希曰踣毛羽五色皆備染者擬之
是以放而名焉按夏備五色秋可染知青赤黃白黑之
正緣駢紫紅碧之間無一不染矣冬
獻功染事功畢也固洵亦非染時
韋革羽毛等染羽
見攷工記鍾氏

○追師掌王后之首服為副編次追衡笄為九嬪及外內

命婦之首服以待祭祀賓客

追都隈反編卑煙反。鄭司農曰副者婦人首服衡

維持冠者註副之言覆以覆首為飾若今步繇服以從王祭祀編編髮為之若今假紵服之以桑也次次髮長

短爲之所謂髮髻服以見王王后燕居亦纁笄總而已
追治也詩追琢其章王后衡笄以玉爲之惟祭服有衡
垂副之兩旁當耳下以紃縣瑱笄卷髮者外內命婦衣
鞠衣展衣者服編衣緣衣者服次外內命婦非王祭祀
賓客佐后於家亦降少半饋食禮主婦髮髻衣侈袂特
牲饋食禮主婦纁笄宵衣昏禮女次純衣攝盛服耳按
侈袂緣衣之袂袂加三分之一大夫以上之袂也妻同
夫服據註副編次皆以髮爲之然追師治玉若三者
無玉不必追師爲之矣按鄘風君子偕老篇歌國君夫
人云副笄六珈言君夫人之副有玉笄固之又有六珈
爲飾也珈從玉必以玉爲之而王后之副不止
六珈可知而編次二者亦有玉飾可類推矣

喪紀共笄經亦如之。

○履人掌王及后之服履爲赤舄黑舄赤纁黃纁青句素

履葛屨

履也註九裕反舄西益反纁衣亟反句音劬。舄亦
履也註下舄禪下履按履常時服之朝祭行

禮等事則服鳥赤鳥王鳥之最尊六冕服之鳥黑鳥后
鳥之最尊服褱衣所服之鳥也舉二鳥之最尊以該其
下蓋古者鳥屨與裳色必相類下此王服皮弁服冠弁
服皆白鳥韋弁服亦赤鳥惟燕居則赤屨王元端朱裳
之屨也王后之鳥黑鳥以下服揄狄則青鳥服闕狄則
赤鳥服鞠黃鳥服展白鳥服緣亦黑鳥惟燕居則服屨
其色未聞后燕居之服不見經也總之王有六冕服后
有三狄王有三弁服后有三衣皆服鳥不服屨餘皆服
屨也赤總王赤鳥之總非黑鳥之飾以王鳥色純故也
總赤絢純皆赤可知若上公以下至於子男則赤鳥而
飾以金小雅車攻之詩赤芾金鳥是也其金飾卽絢總
純以金飾之不敢同於王鳥之純赤也若王之內臣六
卿以下及諸侯孤卿大夫得冕服者其鳥屨之飾皆從
后此經黃總后黑鳥之飾也黑水色黃土色土剋水色
從繪次總黃絢純亦黃可知士冠禮爵弁纁屨黑絢總
純士一命不得服鳥從君助祭惟服纁屨而絢總純之
飾同赤鳥繪次也若屨則不從繪次而從纁次青絢者
后黃鳥之絢也后鞠衣黃鳥鞠衣三衣中最尊猶褱狄

爲三狄中最尊故皆特標之著青句與著黃纁一也經文至精於此益信王與后無事皆服屨素屨遇凶事服之無飾葛屨夏時暑熱服之註言葛屨明有用皮時此言不易繪次取相尅如朱白蒼黃元纁則取乎相生如赤青黑白黃葛屨皮屨皆有句纁純者言素屨菅刺繩屨等亦掌可知文不著於下散屨互見也鳥絲帛爲之夏亦帛冬亦帛不異也

辨外內命夫命婦之命屨功屨散屨

鳥亦屨也故上經主鳥而言掌服屨此經

命屨正兼鳥言緣王之下士不得服鳥故以屨該鳥耳此經內命夫宮中治事官內宰以下至下士外命夫五等外侯及其孤卿大夫士王朝則三公三孤六卿中下大夫上中下士皆是外命婦外侯五等夫人及其孤卿大夫士之妻王朝則三公夫人以下及下士之妻內命婦三夫人九嬪世婦女御也諸命屨五等諸侯爲君者差降從王其赤鳥金句纁純其白鳥之飾未聞外此內外命夫命婦鳥及屨皆準后飾以鳥屨履地地道妻道

臣道同也。王之三公至下大夫命鳥。赤鳥黑句纁純白鳥。赤句纁純。上中二士亦然。惟下士則命履纁履黑句纁純。在內命夫爲下大夫者命鳥。上中二士亦鳥。惟下士命履。若內命婦。胥準外命婦。如三夫人與三公夫人同。拾狄命鳥。自青鳥以下。備五鳥。九嬪中尊者服闕狄與孤卿之婦同。則命鳥。自赤鳥以下。備四鳥。世婦得攝九嬪者服鞠衣。與中大夫之妻同。則命鳥。自黃鳥以下。備三鳥。世婦與下大夫之妻同。展衣則命鳥。自白鳥以下。備二鳥。女御與上中士之妻同。緣衣則命鳥。一黑鳥而已。皆命鳥也。下此外命婦。王之下士妻。諸侯之士妻。則黑履赤句纁純。所謂命履也。功履頒賜之履。猶天官司裘之功裘。功履亦在辨中。知外內命夫命婦。卽常服之履。亦分等差。散履卽喪履。菅蒯繩等。命履亦用帛。但禪下異鳥耳。

凡四方之祭祀以宜服之

王光遠曰。夏葛冬皮。隨時之宜。吉祭用赤鳥命履。喪祭有素履。

散履隨事之宜。

○夏采掌大喪以冕服復于大祖以乘車建綬復于四郊
夏戶雅反大祖音泰乘繩證反綬作綬如追反。註求
之王平生所有事處乘車玉路於大廟以冕服不出宮
也四郊以綬出國門此行道也鄭司農云復始死招魂
復魄大祖始祖廟也按明堂位夏后氏之綬則夏之旌
旂然此經以夏采名官必非旌牛尾爲之莫五色羽染
羽五色爲綬建於乘車而復因名夏采也王祀四郊乘
玉路故以之復內神莫尊於大祖外神莫尊於上帝五
帝祖廟始祖棲靈之所四郊上帝五帝兆域所在也復
之於此葬神靈佑王令更生也冕服與乘車建綬互相
備復大祖冕服九章復四郊冕服十二章王饗宗廟亦
乘玉路疏復依命數天子十二人各服朝服按此經序官下士第四人恐不得強增

周官心解卷第五

終

周官心解卷第六

諸暨楊莊蔣載康闢訂

地官司徒第二之一

鄭剛中曰所掌者教而所經理者天下之土地故爲地官所經理者

土地而所治者軍旅徒庶之政令故又名之曰司徒

惟王建國辨方正位體國經野設官分職以爲民極乃立

地官司徒使帥其屬而掌邦教

十二教徧敷又以三物教於鄉皆司徒掌之

以佐王安擾邦國

邦國分授土宇皆令授宅授田各有地守邦國之所以安也擾馴狎而不

嫌惡於上民性中和教之效也

教官之屬大司徒卿一人小司徒中大夫二人鄉師卞大

夫四人。上士八人。中士十有六人。旅下士三十有二人。

府六人。史十有二人。胥十有二人。徒百有二十人。

大宰職所

謂建正立貳設攷陳殷置輔及宰夫八職正師司旅等胥準天官下四官同小司徒以下卽其屬六十

鄉老二鄉則公一人。鄉大夫每鄉卿一人。州長每州中大

夫一人。黨正每黨下大夫一人。族師每族上士一人。閭

胥每閭中士一人。比長五家下士一人。

比毗志反。司徒掌教典教莫

重於六鄉。賢能於此出。故序列最先。

此通主國中近

郊之教者。註老尊稱。王置六鄉公三人。三公內與王論

道中參六官之事。外與六鄉之教。州黨族閭比鄉之屬

別正師胥皆長也。嘗得何氏廷秀說而議之。其言曰

鄉遂諸官非在職之選也。何以明之一鄉萬二千五百

家。比長以下士爲之一鄉。則二千五百下士矣。閭胥以

中士爲之一鄉則五百中士矣族師以上士爲之一鄉則一百二十五上士矣黨正下大夫一鄉二十五下大夫也州長中大夫一鄉五中大夫也而鄉大夫則卿秩也合一鄉官已三千一百五十五人六鄉七萬五千家官則一萬八千餘也以祿言之下士視上農祿食九人是五家賦一上家之食也中士倍下士祿食十八人是二十五家賦二上家之食也上士倍中士祿食三十六人是百家復賦四上家之食也按此論似爲有見然切按之實未之攷也鄉大夫文使民興賢出使長之使民與能入使治之夫所謂出使長者此鄉道藝之士與之於朝上之爲公爲卿次爲中下大夫下爲上中下三士皆位列鄉民之上所謂出使長也若入使治則卽此出爲公卿大夫士於外者仍令各兼鄉職在家卽公卿爲鄉老鄉大夫中下大夫爲州長黨正上中下士爲族師閭胥比長以教此鄉民所謂入使治之也然則鄉老卽三公也三公食采疆地大都占地六十四里而庸更賦祿乎鄉大夫卽六卿也六卿食采縣地小都占地三十里又庸賦祿乎每鄉州長五皆六官中中大夫也黨

正二十五皆六官中下大夫也中下大夫皆食采家稱給一縣十有六里又庸賦祿平推之一鄉一百二十五族師卽六官諸上士也一鄉五百閭胥卽六官中諸中士一鄉比長二千五百卽六官中諸下士夫士祿上士食四百畝中士二百畝下士一百畝此互古不易之法而周制則以家稍之賦給之大府家削之賦以待匪頒匪頒祿賜也以三士無采地故以九賦所入給之若取於六鄉者則邦中之賦又合近郊之賦者也大府邦中之賦以待賓客四郊之賦以待稍秣與六鄉諸職全無交涉而復何憂其祿之不給乎周官全部列職後必及府史胥徒而鄉大夫無之非不須此屬也如冢宰司徒宗伯司寇爲鄉大夫卽各役其府六人史十二人胥十二人徒百二十人司馬爲鄉大夫卽又役其府六人史十六人胥三十二人徒三百二十人司空雖闕亦必如此況中大夫以下及下士無不各有府史胥徒者乎遂大夫闕府史胥徒當補說見本職序官下按六鄉鄉大夫六以六鄉爲之數固相當州長中大夫以下若難盡合然取王城內外中下大夫與六鄉州長黨正校

之惟繁正之數歟少耳然冬官文闕不具中下大夫之
數不然豈有歟少者乎今考六卿州縣中大夫三十校
諸五官大夫官小宰二人下司會亦二合中大夫五人地
官小司徒二人下師氏一遂人二合中大夫五人春官
小宗伯二人下大司樂二內史一合中大夫五人夏官
小司馬二人下大司馬二大司馬戎右各二大駟戎僕各二校人二
職方四合中大夫十六人秋官小司寇二人下大行人
二合中大夫四人冬官文闕小司空二人可知也總合
之則三十六人以之爲州長尚羸六人考六鄉黨正下
大夫一百五十人核諸五官天官宰夫四人下大府二
司會四除內宰二人不數外合下大夫十人地官鄉師
四人下保氏一司門二司市二外加近郊四正四隅各
二遂師四廩人二合下大夫三十一人春官肆師四人
下冢人二外加約十員墓大夫二外加亦十員樂師四
大卜二大祝二大史二內史二巾車二除大師二瞽官
外合下大夫四十二人夏官軍司馬四人下射人二司
士二諸子二虎賁二大僕二司甲二司弓矢二齊右二
齊僕二職方八合下大夫三十人秋官士師四人下小

行人四合下大夫八人冬官文關惟匠師四人可推餘
亦大夫不可知也然總五官及冬官可知者已得一百
二十五人歟少者止二十五人耳安知冬官所闕不如
地官春官夏官之數及三十四十而尚有贏餘者乎然
則去官下大夫之數必與掌正之數相常斷可無疑大
卿大夫州長掌正族師閭胥比長即此六官之卿大
夫上中下士爲之尤可無疑也又司
市及冢人墓大夫當補說見各序官

封人中士四人下士八人府二人史四人胥六人徒六十

人司徒地官掌地事大元之祭最重封人掌
設王之社壇即北郊也故列職亦最先○鼓人中

士六人府二人史二人徒二十人人疑當
作師○舞師下士

二人胥四人舞徒四十人下士疑當作中士
舞師二官當移春官鼓人之

一誅師之上春官鼓人序官職文
皆誤作鑄師斷宜改正以復其舊○牧人下士六人府

一人史二人徒六十人

註牧人養牲於田野者按牧人牧大牲當分屬五官然牲以牛

爲大又土畜司徒所奉故列職地官

○牛人中士二人下士四人府二人

史四人胥二十人徒二百人

此職養公牛亦共祭祀之牛故次牧人註主牧公家

之牛

○充人下士二人史二人胥四人徒四十人

此職養大

祭之牲故與牧人牛人相次註充猶肥也養繫牲而肥之

載師上士二人中士四人府二人史四人胥六人徒六十

人惟地職載職主任地授職自國中至疆地令無曠土而征其稅故曰載師尤宜列職於此

○閭師

中士二人史二人徒二十人

二十五家爲閭國中近郊民居皆以閭立法而遂地

名里然此職任民亦兼遠郊蓋居王宇下者莫近於六鄉而六遂地次之欲令六鄉及遂交盡民職以勸王畿

自當以閭師兼統之。又載師所徵惟國中遠近。○縣師郊未及十二。不得不又徵民職貢以昭畫一也。○縣師

上士二人。中士四人。府二人。史四人。胥八人。徒八十人。

縣師主大小都調發。亦徒眾事。又為大小都徵賦貢。○徵賦與載師相次。徵貢與閭師相次。故於此列職。

遺人。中士二人。下士四人。府二人。史四人。胥四人。徒四

十人。遺人掌委積。亦取給於九。○均人中。賦者。故次三師之後。註遺以物饋遺。

士二人。下士四人。府二人。史四人。胥四人。徒四十人。均

以年歲弛舍與遺人施惠相類。故次遺人之後。

師氏。中大夫一人。上士二人。府二人。史二人。胥十有二人。

徒百有二十人。三公以師保立名。二氏中下大夫亦以此名官。一則無在不詔王。燬而教國子。

以德行一則無在不諫王惡而教國子以藝儀上司輔導以正君所教又將來居公卿大夫之選者誠教職中尊官也陳及之曰徒百有二十人者居虎門之左司王朝帥夷隸守王門徒不得不多也○保氏下

大夫一人中士二人府二人史二人胥六人徒六十人

○司諫中士二人史二人徒二十人司諫掌糾德猶民之師氏○司

救中士二人史二人徒二十人司救掌糾惡猶民之保氏故列二職於二氏之

後鄭剛中曰王德成而無過亦欲民有德行而無過惡設司諫猶己有詔嬖之師設司救猶己有諫惡之保

○調人下士二人史二人徒十人糾德糾惡皆以教民民相讐則教不行矣

設此官以調和之所以輔教之窮也故次司諫司救之後○媒氏下士二人史二人

徒十人男女配合教之首事且司徒主民孤男孤女何以廣生設媒氏以司配合所以生民所以端風

化也。調人和難。媒氏教親。故與調人相次。註合異類。使和成。齊人名麴。麴曰媒。

司市。下大夫二人。上士四人。中士八人。下士十有六人。府

四人。史八人。胥十有二人。徒百有二十人。

司徒地官。畿內地事。無所

不統。市者利之所交。畿內五十里皆有市。凡育於地者。皆利賴焉。而因此而飾偽交爭。則教法壞。非廣設取職以掌之不可。司市者。市官之長帥也。按遺人五十里有市。是王畿內道路徑由。每五十里皆設司市也。此據王城後市。故以下大夫為長帥。下此則上士及中下士領之耳。竊謂市大者仍統於下大夫。如王城外四面皆近郊。為九州四海商貨之所聯集。四正四隅各去后市五十里。彼此相去亦各五十里。各置賓客候館。豈有不設下大夫以統之者乎。外此貨盛而市易多者。仍設下大夫二人。故司市一職。設官至繁。不得拘序官之數為限額。○質人。中士二人。下士四人。府二人。史四人。胥二人。

徒二十人

質如字。質人掌市質劑。

○塵人。中士二人。下士四人。府

二人。史四人。胥二人。徒二十人。

塵人掌市塵。兼取市各稅。

○胥師。二

十肆則一人。皆二史。賈師。二十肆則一人。皆二史。司

肆則一人。司稽。五肆則一人。胥。二肆則一人。肆長。每

肆則一人。

賈音古。越薄報反。六職市中分地司事。胥師賈師不命之士。司越以下皆庶人。

泉府。上士四人。中士八人。下士十有六人。府四人。史八

人。賈八人。徒八十人。

泉府掌鼓鑄行泉而司賒貸市中要職。

司門。下大夫二人。上士四人。中士八人。下士十有六人。府

二人。史四人。胥四人。徒四十人。每門。下士二人。府一人。

史二人徒四人

司門司關與司市商貨出入聯事且門關授節一頒一斂又內外聯事故列司

市之後而二官又相次司門統掌王城門者王城內城九里十二門外城十二里亦十二門然則合言之內外城門當二十四每門下士據分掌者言每門二人當四十八人也 ○司關上士二人中

士四人府二人史四人胥八人徒八十人每關下士二

人府一人史二人徒四人

疏王畿千里王城在中面五百里界首面置三關則十二

關 ○掌節上士二人中士四人府二人史四人胥二人

徒二十人

掌節通掌邦節而璽節核於司市符節驗諸門關並道路旌節亦授自門關二職故二職

列司市之後而掌節又列門關之後

遂人。中大夫二人。遂師。下大夫四人。上士八人。中士十有

六人。旅下士三十有二人。府四人。史十有二人。胥十有

二人。徒百有二十人。

遂人掌遠郊遂地。合三同。及甸地十二同。且六遂及各縣治法胥出

遂人又畿內溝洫統主之職。事最繁。故自副貳及旅合六十官。而府史胥徒亦與六卿等。遂人所掌起近郊外。去王城五十里至甸二百里。若田間溝洫則統畿內掌之。自王城外盡於疆地。若治民之法。行於六遂甸地者。通及三采。遂甸而外諸侯亦以爲準。故遂人固不與遂大夫同處。劉執中以爲居司徒府者。其說太拘要之。於近郊內置署耳。

○遂大夫。每遂中大夫一人。縣正。每縣下大

夫一人。鄙師。每鄙上士一人。鄙長。每鄙中士一人。里宰

每里下士一人。鄰長。五家則一人。

鄭作管反。遂地起近郊外五十里盡遠

郊百里六遂。每遂遂大夫一人。縣正五人。鄙師二十五人。鄰長百有二十五人。里宰五百人。鄰長二千五百人。

蓋準諸六鄉而無稍異者然鄉地自王城至近郊合地
一同遂地合三同六遂每遂已轄半同又每遂轄甸地
各二同以甸地十二同亦統於六遂故也六遂準六鄉
而設官降一等六鄉以卿爲長帥遂則中大夫轄之下
此縣正卽下大夫鄙師至鄰長各降一等甸地兼轄於
遂大夫而分治於縣正皆公邑也縣正統五鄙師鄙師
統五鄰長鄰長統四里宰里宰統五鄰長與六遂縣正
以下無稍異遂大夫一經凡爲邑以四達戒其功事是
也周之六鄉自王城至近郊地僅一同六遂在遠郊占
地三同是遂地居民疏於鄉地三倍矣甸地居民亦當
準遂每同二遂之地得縣正十人鄙師上士五十人鄰
長中士二百五十人里宰下士一千二百五十人鄰長
不命者六千二百五十人合十二同則縣正一百二十
人鄙師六百人鄰長三千人里宰一萬五千人鄰長七
萬五千人總甸地居民則三十七萬五千家也或疑甸
地豈無山林川澤不應居民如此之多予謂此準民居
於六遂者遂地居民稀疏於六鄉三倍卽有山林川澤
多者不足十縣正少者置十縣正有餘何必多爲之慮

飛六卿無府史胥徒以濟大夫至比長卽卿以下任職者兼攝政也此六遂中大夫六下大夫三十甸地一百二十下及上中下士及不命者鄙師鄙長里宰鄰長數盜十萬豈任職諸官所能充數況遂甸之地尤重稼穡四時督課殷繁而遂大夫自轄遠郊半同又兼甸地二同職專地大非如六卿可以攝治其有府史胥徒也明矣或曰然則何以無之曰必劉歆妄意遂可○旅師中準鄉而削之也謂歆罪上通於天夫豈過與

士四人下士八人府二人史四人胥八人徒八十八人旅師

聚遂甸罰粟以利斯民者也然旅客旅新毗來○稍人徙此職主其聽治則司旅人事矣故曰旅師

下士四人史二人徒十有二人稍所教反。稍家稍在甸地二百里外地二十

同大夫食邑所在司馬調家邑之車乘稍人職其事也○委人中士二人下士四

人府二人史四人徒四十人委烏僞反。委人斂野賦以待給通主畿內諸委亦

地官事 ○土均上士二人中士四人下士八人府二人史

四人胥四人徒四十人土均主平畿內邦國之政均人

均以歲之上下此均以地之煖惡皆地官事也

草人下士四人史二人徒十有二人草人主化惡工以種藝謂之草人者黍稷

及瓜蒌蔬菜種類甚多不如下地種 ○稻人上士二人

稻可以一物名也故該之以草人 中士四人下士八人府二人史四人胥十人徒百人下地

惟稻可種故曰稻人胥徒多者隄障蓄洩之役繁 ○土訓中士二人下士四人

史二人徒八人土訓誦訓一掌地圖以詔王皆地官事 ○誦訓中

士二人下士四人史二人徒八人

山虞每大山中士四人下士八人府二人史四人胥八人
徒八十人中山下士六人史二人胥六人徒六十人小
山下士二人史一人徒二十人

山虞林衡川衡澤虞皆
爲王掌庶土以阜物者

皆任地
之官

○林衡每大林麓下士十有二人史四人胥十

有二人徒百有二十人。中林麓如中山之虞。小林麓如
小山之虞。○川衡每大川下士十有二人史四人胥十
有二人徒百有二十人。中川下士六人史二人胥六人
徒六十人。小川下士二人史一人徒二十人。○澤虞每
大澤大藪中士四人下士八人府二人史四人胥八人

徒八十人。中澤中藪如中川之衡。小澤小藪如小川之

衡。○迹人。中士四人。下士八人。史二人。徒四十人。註迹之言

跡知禽獸處按迹人掌邦田之地○圻人。中士二人。守圻人掌金玉之地。守亦地官事。

下士四人。府二人。史二人。胥四人。徒四十人。圻音礦號猛反。註

圻之言礦也金玉未成器曰礦

角人。下士二人。府一人。徒八人。角羽二官及掌葛染草炭茶蜃皆為王徵斂山林川

澤之賦者故○羽人。下士二人。府一人。徒八人。○掌葛

下士二人。府一人。史一人。胥二人。徒二十人。○掌染草

下士二人。府一人。史二人。徒八人。○掌炭。下士二人。史

二人。徒二十人。○掌茶下士二人。府一人。史一人。徒二

十人。

茶音徒

○掌蜃下士二人。府一人。史一人。徒八人。○

圉人。中士四人。下士八人。府二人。胥八人。徒八十人。

圉人

爲王牧百獸。場人爲王樹果。菰珍異。皆掌地事者。

○場人。每場下士二人。府一

人。史一人。徒二十人。

廩人。下大夫二人。上士四人。中士八人。下士十有六人。府

八人。史十有六人。胥三十人。徒三百人。

廩人通掌穀米之藏。以下大夫

爲之任甚重也。事甚繁。故徒三百人。

○舍人。上士二人。中士四人。府二人。

史四人。胥四人。徒四十人。

舍人掌宮中用粟米。倉人主粟入之藏。司祿主頒粟米以

給祿故列
○倉人中士四人下士八人府二人史四人

胥四人徒四十人倉人掌粟入之藏積粟至多胥乃四

於廩人廩人胥三十徒人徒止四十人嫌其太少意倉人統

乃三百人可以助之也
○司祿中士四人下士八人府

二人史四人徒四十人此官
○司稼下士八人史四人

徒四十人司稼掌巡稼以出斂法九

春人奄二人女春抗二人奚五人抗音由。註女春抗女

也按職用米甚多女春抗及奚斷不止此數誤可知

又按春人春粟成米饔人炊米成飯稟人共內外朝冗

食之食皆取給於廩人
○饔人奄二人女饔八人奚四

故列職於廩人之後

十人饔尺
○稟人奄八人女稟每奄二人奚五人

志反
六終

周官心解卷第七

諸暨楊莊蔣載康闡訂

後學周源瀛校刊

地官司徒第二之二

○大司徒之職掌建邦之土地之圖與其人民之數以佐

王安擾邦國

司徒教典冢宰所建凡司徒所建皆教典中事也司徒掌教主徒徒即人民也民麗

於土無居無食何以施教故須土地之圖麗土之民眾寡不齊必盡得其數乃可經畫其真麗而施教故民數必考人民之數則其登之之簿書也謂之建者邦國都鄙有建置削奪人民有生息減耗故司徒掌其建也安擾則施之以教俾之安擾安則使之安於土地擾則使之馴擾相親邦國兼畿內列邦說佐王安擾邦畿以徧

海內也。孫偉夫曰：圖之名一而亦異用。司徒之圖在安擾邦國，必計度疆域廣狹，五土多寡於土地所生風氣所宜，加詳司馬之圖，為禁暴平亂設，必記形勢阨塞道途通阻，可以講攻守之宜，達進退之便，於山川險要道里遠近，加詳推之職方，天下之圖司險九州之圖，與司徒所掌，豈不侔矣。

以天下土地之圖。周知九州之地域廣輪之數，辨其山林

川澤邱陵墳衍原隰之名物，而辨其邦國都鄙之數，制

其畿疆而溝封之。

註周徧也。九州，揚、荆、豫、青、兗、雍、冀、并也。輪，繼也。積石曰山，竹木曰林，注

濱曰川，水鍾曰澤，土高曰邱，大阜曰陵，水崖曰墳，下平曰衍，高平曰原，下溼曰隰，名物者，十等之名與所生之物，千里曰畿，疆，循界也。溝，穿地為阻固也。封，起土界也。馬季長曰：東西為廣，南北為輪。按九州，每州設牧，統之而地域大小不同，欲分置畿疆，故須考圖，令無不知。五土，每州咸具，而又不等。山林川澤，虞衡之地，建國設都。

必于邱陵墳衍原隰於此不辨無以知建國設都之多寡又必據圖辨之也辨邦國都鄙之數於每州中辨之制其畿疆每州各立其界俾無侵軼

設其社稷之壇而樹之田主各以其野之所宜木遂以名

其社與其野

壇俞類反。社山林等五土之神配以句龍稷穀神配以后稷壇壇外增埒也舉外

包內田主亦社稷在藉故曰田主社稷之壇設在列侯雉門內之右田主在列侯藉中註野所宜木若松柏栗以松爲社者名松社之野按此節就每州所置侯國言

以土會之灋辨五地之物生

會古外反。會總計總合土之物生動物植物生民而辨

五土所生之大別

一曰山林其動物宜毛物其植物宜阜物其

民毛而方

阜音皂。註毛物貂狐貉之屬得毛者也鄭司農云阜物柞栗之屬今謂柞實爲阜斗

按毛象山林草木。二曰川澤其動物宜鱗物其植物宜
方形體方山石象。

膏物其民黑而津。膏依註作囊。註鱗物魚龍之屬。膏當為囊。蓮芡有囊韜。津潤也。按黑水

色澤水。三曰邱陵其動物宜羽物其植物宜覈物其民
潤氣。

專而長。數音核專徒丸反。圓同。註羽物翟雉之屬。覈物李梅之屬。按專而長邱陵象邱陵形圓且多

延。四曰墳衍其動物宜介物其植物宜莢物其民皙而
長。

瘠。英古協反。皙音錫。註介物龜鼈之屬。水居陸生。英瘠物薺莢王棘之屬。皙白也。瘠曬也。按墳衍水清多沙

皙而瘠象。五曰原隰其動物宜羸物其植物宜叢物其
墳衍也。

民豐肉而庠。羸力果反。叢才東反。肉如字。庠音婢。註羸虎豹貉獭之屬。淺毛者叢物。萑葦之屬

接豐肉體充肥。庠猶短原隰土厚少。
石廣平不宵豐肉而庠象原隰也。

因此五物者民之常而施十有二教焉

民之常如生山林者形質固稟山林

之氣而不移居處復在山林一生所食所用更長資此山林所生之毛物阜物以為常也五民皆如此民既不

同非教何以同之此

一曰以祀禮教敬則民不苟

民苟且則

不可入於善苟由於不知敬以祀禮教之使虔奉祖先外神之祭夫乃知事事皆有鬼神臨在上而質在旁凡

事必敬以承之

二曰以陽禮教讓則民不爭

陽禮鄉飲酒之禮賓

與習射尚賢蜡飲尚齒皆以揖遜行之胥教民以讓而化其爭心也

三曰以陰禮教親則

民不怨

註陰禮男女之禮昏姻以時則男不曠女不怨

四曰以樂禮教和則民

不乖

作樂皆以行禮所以樂禮也乖稟於氣質矯之甚難以樂禮教之俾循習於抑揚抗墜之美進退雍

容之度則悅於心而漸漬有漸自化其剛戾之氣而不乖也

五曰以儀辨等則民不

越

儀如典命宮室車旗衣服禮儀皆準命數尊卑而不可越民耳濡目染自知等威不同自不敢越也六

曰以俗教安則民不愉

愉音偷。愉薄也。俗禮俗冠昏喪祭舊俗習行而善者皆本仁

厚之心而制教之安於其舊而不變斯民俗日加厚而不薄也

七曰以刑教中則民不

越

越薄報反。越凶戾不馴性質不中故有邪惡過失以刑教中司救收而教之恥諸嘉石納諸園土民自

恥其不善痛自矯厲以協於中而不越也

八曰以誓教恤則民不怠

誓告諭明切恤

災危相憂民怠於為義上以明切之誓教以相恤使知鄰里之災危可憫任恤為彼此有益民自激厲於義而

不怠也

九曰以度教節則民知足

度居食服用之度民逞其欲何知節約教之

貴賤各有其度如王六穀六牲下以次而殺王九嬪九御下以次而殺王十二玉韋下以次而殺民自知節而

以為足欲也

十曰以世事教能則民不失職

世事累世以專業相傳凡醫巫

星象及百工等少習心安因教以能不易其業如十有
五官中諸氏考工諸氏皆世世爲之各有傳業者
一曰以賢制爵則民慎德以賢制爵有德者貴民共慕之自慎修其德也鄉大夫賓
興遂大夫興眡皆勸脩德也十有二曰以庸制祿則民興功註庸功也祿之
多寡以庸而制民羨慕之自興起而有功如役
則不怠守則嚴戰則奮勇皆可以蒙上賞也

以土宜之灋辨十有二土之名物以相民宅而知其利害

以阜人民以蕃鳥獸以毓草木以任土事

相息亮反毓音育。周分

九州細分則十二土如舜時十二州分野上繫十二太
雖均此山林川澤等五地均此動植二物宜而土既各
異卽所宜又不同如山林皆宜毛物阜物而十二土之
毛物阜物其宜又不同也相占視阜猶盛蕃蕃息毓生
也任任之邦國都鄙以此阜蕃毓三事任之也載師任
土專王畿說疏知其利害十二土中利處居之害處遠

之以阜以蕃以毓
亦由知其利害
○辨十有二壤之物而知其種以教

稼穡樹藝

種章勇反。又就十二土中別種藝之土而辨之壤亦土也以萬物自生言則土以人所

治而樹藝言則壤必知其種者壤不同種之所宜各不同必悉知其種之所宜乃可以教民令所種無一不宜也稼穡穀土樹藝虞衡圖圃之土

以土均之灋辨五物九等制天下之地征以作民職以令

地貢以斂財賦以均齊天下之政

土均之灋即後土均以地斂惡為輕重之

灋九州均此山林等五物而斂惡不同實有九等如禹貢雍州田上上揚州田下下是也土分九等地征亦分九等天下之政無不均齊若一矣民職地守地職地貢土田正稅財賦如山農澤農入羽角臬葛諸物以當正稅

以土圭之凖測土深。正日景以求地中。日南則景短多暑

日北則景長多寒。日東則景夕多風。日西則景朝多陰

景。音影。下同。測土深者。測土之淺深。蓋土不可大淺。大淺則發洩易盡。物產或柔脆不堅。又不可大深。大深則氣不易發。而生物鮮少。惟地中不淺不深。爲至善耳。地中何以求之。以土圭正日景以求之。如下日至之景。尺有五寸。是也。土圭以量日景。其長尺有五寸。夏至日。中午植八尺之表。以求表景。合於土圭。如植表過於南。則表景短于土圭。南方土淺。近日而多暑。植表過於北。則表景長于土圭。北方土過深。遠日而多寒。然同此不淺不深。一帶過東過西。亦不可。蓋所謂景。夕景。朝者。夕時日在西。而物景東向。朝時日在東。而物景西向也。故置表過東。日在表西時多景。亦向東如夕時多。置表過西。日在表東時多。景亦向西如朝時多。雖午中表景。總不能與表一線也。多風氣散。多陰氣斂。○日至之景。尺有五寸。謂之地中。

天地之所合也。四時之所交也。風雨之所會也。陰陽之所和也。然則百物阜安。乃建王國焉。制其畿方千里而封樹之。土不淺不深地之中天氣亦正而不偏。四時所交。春溫夏暑秋涼冬寒。若相交代。與多暑多寒大別。多風者雨少風雨所會無多風之患。多陰者少陽陰陽所和多陰之患。百物人民及動物植物地氣過深過淺天氣多暑多寒多風多陰皆於生物不宜。惟地中天氣地氣與物無一不宜。允百物之所阜安也。于以建王國而爲天下會歸之所。善之又善也。李晉卿曰。夏至日道入赤道北二十四度。北距嵩高弧背九度餘。下直衡岳。暑無景。衡岳距地中弦徑約九度餘。地平鳥道相去約二千五百里。是百六十餘里。景已差一寸矣。鄭注千里差一分。允未然也。

凡建邦國以土圭土其地而制其域。諸公之地封疆方五

百里其食者半。諸侯之地封疆方四百里其食者參之一。諸伯之地封疆方三百里其食者參之二。諸子之地封疆方二百里其食者四之一。諸男之地封疆方百里

其食者四之一。

上言建王國此乃建諸侯邦國其食者皆公侯伯子男自收之稅餘則孤卿大夫

所收而入其什之二於君鄭註似誤公地二十五同以十二同五十成制三鄉三遂宅田士田等七項田並餘公邑甸地公邑田所謂食者半也外此十二同五十成制家稍大小都三等采地侯地十六同以五同三十成有奇制三鄉三遂七項田並餘公邑甸地公邑田又以十同六十成有奇制三等采地伯地九同以三同制二鄉二遂七項田並餘公邑甸地公邑田又以六同制三等采地子地四同以一同制一鄉一遂七項田並餘公邑甸地公邑田又以三同制三等采地男地一同以二十五成制一鄉一遂七項田並餘公邑甸地公

邑田又以七十五
成制三等采地

凡造都鄙制其地域而封溝之以其室數制之不易之地

家百畝一易之地家二百畝再易之地家三百畝

畝字

。此緊承上五等封國來所造都鄙即公地五百里之
半侯地四百里伯地三百里參之二諸子二百里諸男
百里四之三也而國畿都鄙亦於此互見不易即上地
不云萊五十畝以上地可歲種也一易即中地二百畝
者內萊百畝再易即下地三百畝者內萊二百畝疏以
室數制之依城內室數於野制地與之按當兼城外民
居城外者甚多○乃分地職奠地守制地貢而頒職事焉以爲

地瀆而待政令

奠如字。此總括王畿邦國都鄙言註

制地貢九職所稅按即地稅地職上有
事居地之民各有所職之事或財或役地守民居城邑
鄉遂虞衡園圖諸地皆有守職職事即上三項事地瀆

一定之灋酌五物九等地之嫩惡以立灋也。
黃文叔曰政令師役會同賓客喪紀稅斂

以荒政十有二聚萬民。一曰散利。二曰薄征。三曰緩刑。四

曰弛力。五曰舍禁。六曰去幾。七曰省禮。八曰殺哀。九曰

蕃樂。十曰多昏。十有一曰索鬼神。十有二曰除盜賊。式

氏反舍音捨去羌呂反殺所界反蕃方袁反。相民宅
授民田建邦國都鄙以治之。又以地之嫩惡分九等以
立地灋皆所以聚民也。然歲饑乏食民欲離散故以救
荒十二政聚之散利貸種食也。犬凶則施惠薄征輕租
稅也。弛力息繇役也。舍禁舍山澤遮禁與民同利幾門
關察出商弊當罰者以歲荒欲集商貨并此去之無征
更可知矣。省禮殺祭祀賓客飲射冠昏等禮殺哀省喪
禮杜子春讀蕃樂爲藩樂謂閉藏樂器而不作多昏令
民不備禮而昏娶者多使女得就養男有佐助索徧求
也。索鬼神廣求鬼神祈禱詩靡神不舉靡愛斯牲除盜

賊饑饉盜賊多奪民資、或成亂故嚴法除之、

以保息六養萬民。一曰慈幼。二曰養老。三曰振窮。四曰恤

貧。五曰寬疾。六曰安富。

註保息安之使蕃息慈幼愛幼少如產子三人與之母二人與

之餽十四以下不從政養老七十養於國五十異糧之屬振窮拊救天民之窮者曰矜曰寡曰孤曰獨恤貧貧無財業稟貸之寬疾若今癰不可事不算卒可事半之安富平其繇役不專取

以本俗六安萬民。一曰嫗宮室。二曰族墳墓。三曰聯兄弟

四曰聯師儒。五曰聯朋友。六曰同衣服。

嫗音美。本猶舊舊俗民之所

安不革其所習加品節以安之宮室民所居嫗之使有門堂奧阼又堅固無風雨之患則安其居族墳墓族葬也如此則更無異姓侵占而死者亦安聯兄弟生則族貧有差死則衰麻免弔各因其世斯敦宗睦族異姓不

陵侮而族屬安聯師儒欲使安其習業而不棄也師傳
業者儒宿學可請問者聯朋友令交相勸勉交相佐助
安於行義而不息也同門曰朋同志曰友同齊也富者
衣服獨異富或生驕貧或恥而忤不能相安矣故令同
衣服以安之

正月之吉始和布教於邦國都鄙○乃縣教象之灋於象

魏使萬民觀教象挾日而斂之

縣音懸

○乃施教灋於邦

國都鄙使之各以教其所治民

此教灋即小司徒所建即下節比閭等保受諸

事是也

○令五家爲比使之相保五比爲閭使之相受四

閭爲族使之相葬五族爲黨使之相救五黨爲州使之

相賙五州爲鄉使之相賓

比毗志反下同前後文皆言邦國都鄙知不單指六鄉

令令邦國都鄙令以比閭族黨州鄉居民以保受葬救
賙賓教民也保如今鄰里結狀相保則賞罰相及勸戒
以從教受宅舍有故相寄託也正教以親睦之道相葬
教以哀死相救教以急患難相賙教以恤窘急相賓使
共推賢能令交生契慕也又保相保爲善不爲惡故亦
爲教註閭二十五家族百家黨五百家州二千五百家
鄉萬二千五百家按王制六鄉自王城中至近郊諸侯
大國三鄉次國二鄉小國一鄉亦自國城中至近郊卽
王都鄙諸侯都鄙亦準此但地狹不
能成鄉耳疏各立官長教勸於民

頒職事十有二於邦國都鄙使以登萬民。一曰稼穡二曰

樹藝三曰作材四曰阜蕃五曰飭材六曰通材七曰化

材八曰斂財九曰生財十曰學藝十有一曰世事十有

二曰服事

上頒教灋於在城六鄉及邦國都鄙各郊里此則徧頒民職自畿內及諸侯凡邦國都鄙

皆準此十二職事又各分別登之簿籍令無游民也鄭
司農云稼穡三農生九穀樹藝園圃毓草木作材虞衡
作山澤之材阜蕃藪牧養蕃鳥獸飭材百工飭化八材
通財商賈阜通貨賄化材嬪婦化治絲枲斂材臣妾聚
斂疏材生材開民無常職轉移執事學藝學道藝按士
學道藝也世事累世專業相傳凡巫醫卜筮諸藝事與
前十二教世事大別以農工商賈及士已見於前也服
事府史胥徒服事公家者自一至九卽犬宰九職犬宰
總理天下財賦此九職皆有職貢觀閭師任農以耕事
貢數可見也犬宰惟職其有職貢則任民止於九職若
司徒則主民之官卽無職貢必頒
職事矣故於九職外又增此三項

以鄉三物教萬民而賓興之

註物猶事也興猶舉也民三
事教成鄉大夫舉其賢者能

者以飲酒之禮賓
客之獻其書於王

一曰六德知仁聖義忠和

知音智
事無不知

曰知慈祥愷悌曰仁性無不通曰聖應事隨宜不可搖
奪曰義發皆全體外內如一曰忠善氣迎人犯而不校

和。二曰六行。孝友睦婣任恤。行下孟反。婣音因。註善於父母為孝。善於兄弟為

友睦親於九族。婣親於外親。恤振憂貧者。三曰六藝。禮

樂射御書數。

註禮五禮之儀。樂六樂之歌。舞射五射之。御五御之節。書六書之品。數九數之計。

按此專六鄉及都鄙中郊里之教。而統諸侯邦國都鄙之郊里。前十二教。徧施於天下。此第及六鄉及諸郊

里者。十二教。民所易能。此三物十八事。則聖人之學。非

凡庸所易幾。故也。三物以鄉立名。知鄉教更重矣。所以然者。賢能即異日公卿大夫。教必異等。又比閭等。眾為

六軍正軍。兵凶戰危。必備詳其教。庶鄉民皆善而後可。以即戎也。○以鄉八刑糾萬民。一曰不孝之刑。二曰不睦之

刑。三曰不婣之刑。四曰不弟之刑。五曰不任之刑。六曰

不恤之刑。七曰造言之刑。八曰亂民之刑。

弟音悌。○糾嚴飭以八刑。

嚴飭之令告不率以從教也大司寇以五刑糾萬民其一鄉刑上德糾孝此八刑以不孝之刑列首知六行以孝爲先也不弟不友於兄弟及不敬師長也註造言訛言惑眾亂民亂名改作執左道以亂政按上列六行之刑又列此二刑此二者皆能惑教故以此防之疏上言友專施于兄弟此變言弟兼施于師長故退在睦婣之下鄭剛中曰教民三物糾民止於六行者人性有厚薄昏明之異德不可以皆同材有能不能之別藝不可以皆能六行者人人所當勉者也不修其行則害于身禍於家亂人倫而傷聖治是戮民也加之以刑不亦宜乎

以五禮防萬民之僞而教之中

註禮所以節止民之修僞使其行得中鄭司農云五

禮吉凶賓軍嘉

以六樂防萬民之情而教之和

註樂所以蕩正民之情思使其

心應和鄭司農云六樂雲門咸池大韶大夏大濩大武

按僞僞妄驕慢邪辟皆後來僞妄僞肆則不中禮由

司馬小司馬

地官

大司徒

中制所以閑真性而除縱肆故可以防僞妄而教之中
情情慾情慾熾盛則行私而多戾又何以和樂由和作
所以滌邪心而全正性故可以防情慾而教之和也五
禮六樂皆六藝中事重舉之者見六藝此二端鄉民無
一不教六藝亦最重此而首列之也

凡萬民之不服教而有獄訟者與有地治者聽而斷之其

附于刑者歸于士斷丁亂反。有地治者鄉大夫及州長以下治鄉民者也。註附麗也。士司

寇士師之屬鄭司農云民不服教而有獄訟斷時恐不
審故與其屬吏共聽斷之小罪司徒決之附于五刑則

歸于士

祀五帝奉牛牲羞其肆肆如字。註牛能任載地類也。羞進所肆解骨體按去蹄全解骨體

陳之於俎與廟中時祭但解右脾者不同○享先王亦如之疏享先王四時并祫禘也亦如

之者亦如祀五帝但補郊之事先全烝後豚解羞其肆
體解而進之若宗廟四時之事則無全烝先豚解次體
解羞其肆
者熟獻也

大賓客令野修道委積

脩道守涂地之民職令野廬氏委積委人遺人所庀大司徒令之

註少曰委多曰積皆以給賓客疏大賓客諸侯來朝

大喪師六鄉之眾庶屬其六引而治其政令

屬之星反。註眾庶所致

役也鄭司農云六引引喪車索六鄉主六引六遂主六紼疏在棺曰紼見繩體行道曰引見用力

大軍旅大田役以旗致萬民而治其徒庶之政令

旗司徒大旗旌

也司常孤卿建旌註徵眾刻日樹旗期于其下疏凡軍旅田獵所用民徒先起六鄉之眾

若國有大故則致萬民于王門令無節者不行于天下

註大

故王崩及寇兵節六節有節乃得行防姦私

○大荒大札則令邦國移民通

財舍禁弛力薄征緩刑

大荒大饑饉大札大疫死者眾移民辟災就安稔通財不可移

者豐處通穀米給之上荒政兼畿內及列邦此大荒大札則指列邦令天下邦國各相通也然王畿亦當如此

歲終則令教官正治而致事

教官其屬也令正治致事各令整理所治以事書簿以上

司徒既勘校將移氣宰弊治也此節十一字當在國有常刑之下蓋歲終丑月屬正歲之後也

○正歲

令于教官曰各共爾職修乃事以聽王命其有不正則

國有常刑

此於令正治致事之先預飭之不正不正所治也常刑司徒有誅氣宰有誅也正歲子月

此節二十七字當在歲終十一字之前斷屬劉歆妄易

○小司徒之職掌建邦之教灋以稽國中及四郊都鄙之

夫家九比之數以辨其貴賤老幼廢疾凡征役之施舍

與其祭祀飲食喪紀之禁令

比毗志反施式氏反舍音捨。教灋欲施教而立灋

也比間族黨等戶有遷移口有增損故歲建之以爲施教地也六官之貳皆有建猶小宰特建宮刑國中四郊包鄉遂公邑都鄙三采國中至近郊六鄉也固以比間立灋遠郊六遂公邑甸地則以鄰里鄹鄙縣遂居民者而其灋亦仍不異都鄙采地都城至近郊灋皆準鄉外胥準遂也夫夫家婦猶言男女九比各家人數自一人至九人猶九州土地媿惡分九等也必爲九比單丁不授田轉移執事五口授下田以下授餘夫之田六口授中田七口授上田七口以上加餘夫之田九口以上則另授一夫云比者以五家爲比之灋居民也六遂甸地及都鄙郊里以外鄰里等民居名異而實同亦有九等之別貴卿大夫士賤服公事者卽府史胥徒老國中六十以上野六十五以上幼國中未及七尺野未及六尺廢疾癘病也征役師旅田役等征施當爲弛貴賤老幼

廢疾皆在弛舍之數祭祀飲食喪紀民間禮事禁令祭祀三者皆有禁令不使失禮灋

乃頒比灋于六鄉之大夫使各登其鄉之眾寡六畜車輦

辨其物以歲時入其數以施政教行徵令

比毗志反畜許六反後六

畜皆同輦里演反。比灋五家爲比之灋登以民數登簿書家五人以上爲眾五人以下爲寡六畜亦徧登慮不畜尤重者牛馬馬駕革車牛駕大車車革車大車輦人挽行物卽眾寡六畜車輦必辨之者人有強弱牛馬有肥壯疲乏車輦或善惡不等也施政教職事十二地守地職地征入刑三田授受皆政也十二教保息本俗保受等及三物皆教也行徵令師田行役等徵召之令必歲時入數政教必時施力役必遞均歲時每歲歲終

○及三年則大比大比則受邦國之比要

比必里反。大比大比教

官之治比要教治之籍簿大比徧及王畿及中國故并受邦國比要也

乃會萬民之卒伍而用之。五人爲伍，五伍爲兩，四兩爲卒。

五卒爲旅，五旅爲師，五師爲軍，以起軍旅，以作田役，以

比追胥，以令貢賦。

會如字。註兩，二十五人，卒，百人，旅，五百人，師，二千五百人，軍，萬二千五百人。

百人按伍，五人皆徒卒，此先王因比閭居民以立軍制也。五家爲比，故五人爲伍，二十五家爲閭，故二十五人爲兩，推之族黨州鄉，與卒旅師軍無一少差，故國中及四郊爲六鄉，而六軍之制咸備，六遂爲六軍副，因鄰里節鄙縣遂以制軍，濩亦同此，其餘公邑及三采濩無不同。役功役亦準軍濩，使有部統率追逐寇胥，伺捕盜賊，貢地征稅也。賦，車乘兵賦也。李景齊曰：司馬法，兵車一乘，甲士三人，步卒七十二人，則一乘七十五人也。約兵，車一乘，三兩之數，四乘則三卒之數，百乘則三師之所合，五百乘則三軍之所合，積而至於千乘，則六軍聚焉，是六軍之數，適足千乘，統六遂都鄙之兵，悉天子畿內則萬乘矣。諸侯大國千乘，三鄉三軍，僅止於五百

乘爾按車中甲士用士庶子更在卒伍之外

○乃均土地以稽其人民而周

知其數上地家七人可任也者家三人中地家六人可

任也者二家五人下地家五人可任也者家二人

疏上地

地使得均平故曰均土地據土地計其人民可任不可任而徧知其大數按一家七人授以上地所養眾也六人授中地所養適中也五人授下地所養寡也可任丁強任役事者家可任三人二家五人家二人其大數

○凡起徒役毋過家一人以其餘爲羨惟田與追胥竭

作

可任者眾而惟調其一寬民力也田與追胥非遣役田習部伍擊刺不可遣一人追胥捕盜除患必合眾

力故竭作也竭作盡起疏六鄉致民一爲正卒餘皆羨卒若六遂下劑致民一爲正卒一爲羨卒餘皆餘夫

凡用眾庶則掌其政教與其戒禁聽其辭訟施其賞罰誅

其犯命者

註命所誓告按上是平日立灋此用眾庶時小司徒掌政教等事

○凡國之

大事致民大故致餘子

註大事戎事大故災寇鄭司農云餘子羨也

乃經土地而井牧其田野九夫爲井四井爲邑四邑爲邱

四邱爲甸四甸爲縣四縣爲都以任地事而令貢賦凡

稅斂之事

註井田制似井字因名焉鄭司農云井牧者春秋傳所謂井衍沃牧隰臯註謂隰臯之地

二牧當一井田有不易一易再易通率二而當一

井牧按上中下田皆畫井通算則上中下各三分之一

適二井而當一井故謂之牧然則井者分計牧者合計

也自邑至都定田之多少以爲任地令賦等事立額此

灋外自都鄙內極四郊鄭氏據都鄙而以爲鄉田不井

誤矣任地事任之治地之官令守治令貢如近郊遠郊

十一十二等額令賦師旅使出兵賦乃分地域而辨其

稅斂如地職之共及各項當稅諸物

守。施其職而平其政。

政依註音征。註政稅也。當作征。黃文叔曰。城界也。井邑邱甸縣都。

各有界域。按分其域。如一都四縣。一縣四甸。一甸四邱。皆細分其界而令守。如同都之民既守之。于其中別其爲縣爲甸爲邱而守也。施職平征。皆準此。守者。地守職。地職兼役事。征。征稅及軍賦。

凡小祭祀奉牛牲羞其肆。

肆如字。註小祭祀王元冕所祭。疏小祭祀用牛。則王之祭祀。

無不用牛者。按代大司徒。

小賓客。令野修道委積。

大軍旅帥其眾庶。○小軍旅巡役治其政令。

大軍旅大司徒治徒庶之。

政令。此巡役治政令。亦代大司徒行事。役築軍壘。修城塹之役。

大喪帥邦役治其政教。

帥音率。註喪役正棺引窆復土。疏邦役六鄉眾庶。按葬兼督鄉役。

凡建邦國立其社稷正其畿疆之封

疏建邦國立畿外諸侯邦國諸侯國社侯

社勝社皆有稷配之立其社稷以文書法度與之按畿九畿及九州皆有界疆所封國界正之使畿無越軼界

不華離也

凡民訟以地比正之

比毗志反。地比九比居民簿書取鄰比爲正則訟可決地訟以

圖正之

註地訟爭疆界圖邦國本圖

歲終則攷其屬官之治成而誅賞

治成日成歲終當攷一歲教治言日成詳攷也

屬官鄉師至下士誅賞贊大司徒此及下節九字當移置待邦治下令羣吏正要會而致

事會古外反。亦歲終時事羣吏卽下六鄉四郊之吏要會月要歲會簿書令致其事於大司徒己贊之校

勘以上○正歲則帥其屬而觀教灋之象徇以木鐸曰

不用灋者國有常刑令羣吏憲禁令修灋糾職以待邦

治

修灋重整教灋糾職嚴飭教事職守邦治即豕宰治典歲終豕宰攷治也此節三十九字在歲終節前又

劉歆所易

及大比六鄉四郊之吏平教治正政事攷夫屋及其眾寡

六畜兵器以待政令

比必里反。六鄉四郊包六遂甸地六鄉四郊之吏皆主徒司教故

大比以考察之教治教職中事政事徒役中事平之正之重加整理夫一夫上田屋下田三百畝舉上下以該中也五人以上為眾五人以下為寡攷夫屋而及其眾寡者恐不合七人授上田六人授中田五人授下田之灋也又及六畜兵器六畜重牛馬兵器該車輦豫功役師役之備政令豕宰三歲比治有廢置誅賞又建教典頒發也夫三為屋屋三為井六鄉不井何以言屋鄭註之誤顯然矣

卷第七終